

佛说阿弥陀经

香赞

炉香乍热，法界蒙熏，诸佛海会悉遥闻，随处结详云，诚意方殷，诸佛现全身。

南无香云盖菩萨摩诃萨！（三称）

净口业真言

唵，修唎修唎，摩诃修唎，修修唎，萨婆诃。

净意业真言

唵，嚩日啰怛诃贺斛。

净身业真言

唵，修多唎，修多唎，修摩唎，修摩唎，娑婆诃。

安土地真言

南无三满哆，母驮喃，唵，度噜度噜地尾萨婆诃。

普供养真言

唵，誝誝曩，三婆嚩，伐日啰斛。

莲池赞

莲池海会，弥陀如来，观音势至坐莲台，接引上金阶，大誓弘开，普愿离尘埃。

南无莲池海会佛菩萨！（三称）

南无莲池海会佛菩萨摩诃萨！（三称）

南无本师释迦牟尼佛！（三称）

开经偈

无上甚深微妙法，百千万劫难遭遇，
我今见闻得受持，愿解如来真实义。

佛说阿弥陀经

姚秦三藏^{zàng}法师^{jiū}鸠摩罗什译

如是我闻，一时，佛在舍卫国，祇树给孤独园。与大比丘僧，千二百五十人俱。皆是大阿罗汉，众所知识。长老舍利弗，摩诃目犍连^{qián}，摩诃迦叶^{shè}，摩诃迦旃延^{zhān}，摩诃俱絺罗^{chī}，离婆多^{pán}，周利槃陀伽^{qié}，难陀^{hóu}，阿难陀^{hóu}，罗睺罗^{jiāo}，憍梵波提^{duò}，宾头卢颇罗堕^{jiū}，迦留陀夷^{nà}，摩诃劫宾那^{nà}，薄拘罗^{nóu}，阿菟楼駄^{nóu}，如是等诸大弟子。并诸菩萨摩诃萨，文殊师利法王子，阿逸多菩萨^{qián}，乾陀诃提菩萨^{qián}，常精进菩萨^{huán}，与如是等诸大菩萨，及释提桓因等，无量诸天大众俱。

尔时佛告长老舍利弗，从是西方，过十万亿佛土^{dù}，有世界名曰极乐。其土有佛，号阿弥陀^{dù}，今现在说法。舍利弗，彼土何故名为极乐。其国众生，无有众苦，但受诸乐，故名极乐。又舍利弗，极乐国土，七重栏楯^{dù}，七重罗网^{chóng}，七重行树^{chóngháng}，皆是四宝周匝围绕^{zā}，是故彼国名为极乐。

又舍利弗，极乐国土^{dù}，有七宝池，八功德水，充满

其中。池底，纯以金沙布地。四边阶道，金，银，琉璃，玻璃合成。上有楼阁，亦以金，银，琉璃，玻璃，^{chē qú} 砗磲，赤珠，^{mǎ nǎo} 玛瑙而严饰之。池中莲华，^{huā} 大如车轮，青色青光，黄色黄光，赤色赤光，白色白光，微妙香洁。舍利弗，^{dù} 极乐国土，成就如是功德庄严。

又舍利弗，^{dù} 彼佛国土，常作天乐，^{yuè} 黄金为地。昼夜六时，^{yù} 雨天曼陀罗华。^{huā} 其土众生，常以清旦，各以衣祴，^{chéng} 盛众妙华，^{huā} 供养他方十万亿佛。即以食时，还到本国，饭食经行。^{dù} 舍利弗，极乐国土，成就如是功德庄严。

复次舍利弗，彼国常有种种奇妙杂色之鸟，白鹤，孔雀，^{yīng wǔ} 鹦鹉，舍利，^{qié} 迦陵频伽，共命之鸟。是诸众鸟，昼夜六时，出和雅音。其音演畅五根，五力，^{fèn} 七菩提分，八圣道分，^{fèn} 如是等法。其土众生，^{dù} 闻是音已，皆悉念佛，念法，念僧。舍利弗，^{dù} 汝勿谓此鸟，实是罪报所生。所以者何。彼佛国土，^{dù} 无三恶道。舍利弗，其佛国土，^{dù} 尚无恶道之名，何况有实。是诸众鸟，皆是阿弥陀佛欲令法音宣流，变化所作。舍利弗，^{dù} 彼佛国土，微风吹动诸宝行树，及宝罗网，^{pì} 出微妙音。譬如百千种乐，^{yuè} 同时俱作。闻是音者，自然皆生念佛，念法，念僧之心。舍利弗，^{dù} 其佛国土，成就如是功德庄严。

舍利弗，于汝意云何，彼佛何故号阿弥陀。舍利弗，

彼佛光明无量，照十方国，无所障碍，是故号为阿弥陀。
又舍利弗，彼佛寿命，及其人民，无量无边阿僧祇劫，
故名阿弥陀。舍利弗，阿弥陀佛成佛以来，于今十劫。

又舍利弗，彼佛有无量无边声闻弟子，皆阿罗汉，
非是算数之所能知。诸菩萨众，亦复如是。舍利弗，彼
佛国土，成就如是功德庄严。

又舍利弗，极乐国土，众生生者，皆是阿鞞跋致。
其中多有一生补处，其数甚多，非是算数所能知之，但
可以无量无边阿僧祇说。舍利弗，众生闻者，应当发愿，
愿生彼国。所以者何。得与如是诸上善人，俱会一处。

舍利弗，不可以少善根福德因缘，得生彼国。舍利
弗，若有善男子，善女人，闻说阿弥陀佛，执持名号，
若一日，若二日，若三日，若四日，若五日，若六日，
若七日，一心不乱。其人临命终时，阿弥陀佛与诸圣众，
现在其前。是人终时，心不颠倒，即得往生阿弥陀佛极
乐国土。舍利弗，我见是利，故说此言。若有众生，闻
是说者，应当发愿，生彼国土。

舍利弗，如我今者，赞叹阿弥陀佛不可思议功德之
利。东方亦有阿閼鞞佛，须弥相佛，大须弥佛，须弥光
佛，妙音佛，如是等恒河沙数诸佛。各于其国，出广长
舌相，遍覆三千大千世界，说诚实言。汝等众生，当信

是称赞不可思议功德一切诸佛所护念经。

舍利弗，南方世界，有日月灯佛，名闻光佛，大焰肩佛，须弥灯佛，无量精进佛，如是等恒河沙数诸佛。各于其国，出广长舌相^{xiàng}，遍覆三千大千世界，说诚实言。汝等众生，当信是称赞不可思议功德一切诸佛所护念经。

舍利弗，西方世界，有无量寿佛，无量相佛^{xiàng}，无量幢佛^{chuáng}，大光佛，大明佛，宝相佛^{xiàng}，净光佛，如是等恒河沙数诸佛。各于其国，出广长舌相^{xiàng}，遍覆三千大千世界，说诚实言。汝等众生，当信是称赞不可思议功德一切诸佛所护念经。

舍利弗，北方世界，有焰肩佛^{yàn}，最胜音佛，难沮佛^{jǔ}，日生佛，网明佛，如是等恒河沙数诸佛。各于其国，出广长舌相^{xiàng}，遍覆三千大千世界，说诚实言。汝等众生，当信是称赞不可思议功德一切诸佛所护念经。

舍利弗，下方世界，有师子佛，名闻佛，名光佛，达摩佛^{chuí}，法幢佛^{chuáng}，持法佛，如是等恒河沙数诸佛。各于其国，出广长舌相^{xiàng}，遍覆三千大千世界，说诚实言。汝等众生，当信是称赞不可思议功德一切诸佛所护念经。

舍利弗，上方世界，有梵音佛，宿王佛^{xiù}，香上佛，香光佛^{yàn}，大焰肩佛^{yàn}，杂色宝华严身佛^{huā}，娑罗树王佛^{suō}，宝华德佛^{huā}，见一切义佛，如须弥山佛，如是等恒河沙数诸佛。

各于其国，出广长舌^{xiàng}相，遍覆三千大千世界，说诚实言。
汝等众生，当信是称赞不可思议功德一切诸佛所护念经。

舍利弗，于汝意云何，何故名为一切诸佛所护念经。
舍利弗，若有善男子，善女人，闻是经受持者，及闻诸
佛名者，是诸善男子，善女人，皆为一一切诸佛之所护念，
皆得不退转于阿耨^{nòu}多罗三藐^{miǎo}三菩提。是故舍利弗，汝等
皆当信受我语及诸佛所说。

舍利弗，若有人，已发愿，今发愿，当发愿，欲生
阿弥陀佛国者。是诸人等，皆得不退转于阿耨^{nòu}多罗三藐^{miǎo}三
菩提。于彼国土^{dù}，若已生，若今生，若当生。是故舍利
弗，诸善男子，善女人，若有信者，应当发愿，生彼国土^{dù}。

舍利弗，如我今者，称赞诸佛不可思议功德。彼诸
佛等，亦称赞我不可思议功德，而作是言，释迦牟尼佛，
能为甚难希有之事。能于娑婆国土^{suō}，五浊恶世^{dù}，劫浊，
见浊，烦恼浊，众生浊，命浊中，得阿耨^{nòu}多罗三藐^{miǎo}三菩
提。为诸众生，说是一切世间难信之法。舍利弗，当知
我于五浊恶世，行此难事，得阿耨^{nòu}多罗三藐^{miǎo}三菩提。为
一切世间说此难信之法，是为甚难。

佛说此经已，舍利弗及诸比丘，一切世间天人阿修
罗等，闻佛所说，欢喜信受，作礼而去。

佛说阿弥陀经

拔一切业障根本得生净^{dù}土陀罗尼

南无阿弥多婆夜。哆他伽多夜。哆地夜他。阿弥利都婆毗，阿弥利哆，悉耽婆毗。阿弥唎哆，毗迦兰帝。阿弥唎哆。毗迦兰多。伽弥膩，伽伽哪。枳多迦利，娑婆诃。

大阿弥陀赞

弥陀佛大愿王	慈悲喜舍难量
眉间常放白毫光	度众生极乐邦
八德池中莲九品	七宝妙树成行 ^{háng}
如来圣号若宣扬	接引往西方
弥陀圣号若称扬	同愿往西方

赞佛偈

阿弥陀佛身金色	相 ^{xiàng} 好光明无等伦 ^{lún}
白毫宛转五须弥	绀目澄清四大海
光中化佛无数亿	化菩萨众亦无边
四十八愿度众生	九品咸令登彼岸

南无西方极乐世界大慈大悲阿弥陀佛！（三称）

南无阿弥陀佛！（数百声或千声）

南无观世音菩萨！（三称）

南无大势至菩萨！（三称）

南无清静大海众菩萨！（三称）

大慈悲菩萨发愿偈

大方三世佛	阿弥陀第一
九品度人生	威德无穷极
我今大皈依	忏悔三业罪
凡有诸福善	至心用回向
愿同念佛人	感应随时现
临终西方境	分明在目前
见闻皆精进	同生极乐国
见佛了生死	如佛度一切
无边烦恼断	无量法门修
誓愿度众生	总愿成佛道
虚空有尽	我愿无穷
虚空有尽	我愿无穷

慈云忏主净土文^{dù}

一心皈命，极乐世界，阿弥陀佛。愿以净光照我，
慈誓摄我，我今正念，称如来名，为菩提道，求生净土。^{dù}
佛昔本誓，若有众生，欲生我国，志心信乐，^{yào}乃至十念，
若不生者，不取正觉。以此念佛因缘，得入如来大誓海
中。承佛慈力，众罪消灭，善根增长，若临命终，自知
时至，身无病苦，心不贪恋，意不颠倒，如入禅定。佛
及圣众，手执金台，来迎接我。于一念顷，生极乐国。华^{huā}

开见佛，即闻佛^{chéng}乘，顿开佛慧。广度众生，满菩提愿。
十方三世一切佛，一切菩萨摩訶萨，摩訶般若波罗蜜。

西方发愿文

稽首西方安乐国，接引众生大导师。
我今发愿愿往生，唯愿慈悲哀摄受。

回向偈

愿生西方净^{dù}土中，九品莲华为父母。
华开见佛悟无生，不退菩萨为伴侣。
愿以此功德，庄严佛净^{dù}土，
上报四^{zhòng}重恩，下济三涂苦，
若有见闻者，悉发菩提心，
尽此一报身，同生极^{dù}乐国。

拔一切业障根本得生净^{dù}土陀罗尼

南无阿弥多婆夜。哆他伽多夜。哆地夜地。阿弥利
都婆毗，阿弥利哆，悉耽婆毗。阿弥唎哆，毗迦兰帝。
阿弥唎哆。毗迦兰多。伽弥膩，伽伽哪。枳多迦利，娑
婆诃。

补阙真言

南谟喝啰怛那，哆啰夜耶。佉啰佉啰。俱住俱住。
摩啰摩啰。虎啰，吽。贺贺，苏怛拏，吽。泼抹拏，娑

娑诃。

补阙圆满真言

唵，呼嚧呼嚧，社曳穆契娑诃。

三皈依

自皈依佛，当愿众生，体解大道，发无上心；
自皈依法，当愿众生，深入经藏，智慧如海；
自皈依僧，当愿众生，统理大众，一切无碍。
和南圣众。



地藏莲社于 2020 年 12 月制作